

## ՀԱՇՎԵՏՎՈՒԹՅՈՒՆ

### 2017 թվականի ընթացքում Վայոց ձորի մարզպետարանի աշխատակազմի ընտանիքի, կանանց և երեխաների իրավունքների պաշտպանության բաժնի կատարած աշխատանքների վերաբերյալ

Հաշվետու ժամանակաշրջանում բաժինն իրականացրել է հետևյալ գործառույթները՝

Ուսումնասիրել է մարզում կանանց և տղամարդկանց հավասար իրավունքների և հավասար հնարավորությունների հիմնահարցերը, ՀՀ տարածքային կառավարման և զարգացման նախարարություն է ներկայացրել առաջարկություններ՝ ՀՀ-ում կանանց և տղամարդկանց հավասար իրավունքների և հավասար հնարավորությունների ապահովման քաղաքականության իրականացման 2017-2021թ.թ. միջոցառումների ծրագրի համար:

2017 թվականին ՏԻՄ ընտրություններից առաջ հասարակական կազմակերպությունների հետ համատեղ իրականացրել է կանանց քաղաքական և քաղաքացիական մասնակցության խթանմանն ուղղված միջոցառումներ՝ համայնքային ընտրություններում կին թեկնածուների մասնակցության, համայնքի ղեկավարության և ավագանու կազմում կին-անդամների թվի սովելացման նպատակով: Մարզում իրականացվել են նաև կնոջ կողմից ղեկավարվող կյանքի դժվարին իրավիճակում հայտնված ընտանիքների սոցիալական և իրավական պաշտպանության և կանանց սոցիալական վիճակի բարելավմանն ուղղված ծրագրեր:

Ոստիկանության տարածքային բաժինների անչափահասների գործերով զբաղվող ծառայությունների հետ համագործակցության արդյունքում մարզում անչափահասների իրավախախտման դեպքերը կրճատվել են՝ 2017 թվականի ընթացքում պրոֆիլակտիկ քարտային հաշվառման մեջ գտնվող 5 անչափահասներից հաշվառումից հանվել է 3-ը: Անհրաժեշտության դեպքում երեխաների իրավունքների պաշտպանության նպատակով բաժինը մասնակցել է անչափահասների հարցաքննությանը: Պրոֆիլակտիկ աշխատանքներ են իրականացվել իրենց երեխաների վրա բացասական ներգործություն ունեցող, հակասոցիալական վարք դրսևորող ծնողների հետ: Մարզի հանրակրթական դպրոցներում ոստիկանության մարզային վարչության տարածքային բաժինների ԱԳ խմբերի հետ ԸԿԵԻՊ բաժինը մասնակցել է «Անչափահասը և հանցագործությունը».

«Վնասակար սովորույթներ», «Անվտանգ երթևեկություն», «Բռնություն», «Անչափահասը և թմրամոլությունը» թեմաներով զրույց-զեկույցներին: ՀՀ

Ոստիկանության պետի 2013թ. նոյեմբերի 7-ի №3837 - Ա հրամանով ստեղծված միջգերատեսչական աշխատանքային խմբի հետ մուրացկանության և թափառաշրջիկության, անչափահասների թրաֆիքինգի խնդիրների կանխարգելման և

իրագրելու նպատակով իրականացվել են հանդիպումներ, զրույցներ մարզի ուսումնական հաստատություններում, առողջապահական հիմնարկներում և համայնքներում: Մարզում չկան մուրացիկ և թափառաշրջիկ, շահագործման (թրաֆիքինգի) ենթարկված երեխաներ: Բաժինը յուրաքանչյուր եռամսյակը մեկ մասնակցում է ՀՀ ոստիկանության քրեական հետախուզության գլխավոր վարչությունում կայացող միջգրատեսչական աշխատանքային խմբի նիստին: Մարզում հանրակրթությունից դուրս մնացած երեխաներ չկան:

Ուսումնասիրության և համայնքներում գործող խնամակալության և հոգաբարձության հանձնաժողովների հետ համատեղ աշխատանքի արդյունքում 2017 թվականին կատարվել է մարզի կյանքի դժվարին իրավիճակում հայտնված 54 երեխայի կարիքի գնահատում, նրանց վերաբերյալ տեղեկատվությունը փոխանցվել է «Մանուկ» տեղեկատվական համակարգ: 2017 թվականին մարզում հաշվառված է 123 հաշմանդամ երեխա, միակողմանի ծնողազուրկ՝ 152: Հաշվետու ժամանակաշրջանում կենտրոնացված հաշվառման է վերցվել տարբեր պատճառներով առանց ծնողական խնամքի մնացած 8 երեխա, որից 4-ի նկատմամբ սահմանվել է խնամակալություն, 3 երեխա տեղավորվել է Կոտայքի ՍՕՍ մանկական գյուղում, 1 հաշմանդամ երեխա՝ հատուկ մասնագիտացված մանկատանը: Խնամքի հաստատությունների բեռնաթափման ծրագրի շրջանակում գիշերօթիկ հաստատությունից կենսաբանական ընտանիք է վերադարձել 2 երեխա, կասեցվել է 1 երեխայի ուղեգրումը հատուկ մասնագիտացված մանկատան:

«Հանրակրթության մասին» ՀՀ օրենքի պահանջների համաձայն կրթության առանձնահատուկ պայմանների կարիք ունեցող 148 երեխա ներառական կրթություն է ստանում մարզի հանրակրթական 9 դպրոցներում (Եղեգնաձորի №1,2, Վայքի հիմնական, Արենիի, Ջառիթափի, Շատինի միջնակարգ դպրոցներ, Ջերմուկի №1,3 հիմնական դպրոցներ, Ջերմուկի կրթահամալիր): Բաժնի կողմից բազմամասնագիտական թիմերին ցուցաբերվել է անհրաժեշտ մեթոդական օգնություն, յուրաքանչյուր երեխայի համար լրացվել է անհատական սոցիալ-վերականգնողական ծրագիր: 2017 թվականին մարզպետարանը 44 երեխայի տրամադրել է ներառական կրթության վկայագիր:


2017 թվականին որդեգրման դիմում է ներկայացրել մարզի 3 քաղաքացի, ուսումնասիրության արդյունքում որդեգրողի թեկնածու է հաշվառվել Վայոց ձորի մարզի երկու քաղաքացի: Գործող համակարգի միջոցով նրանց տրվել է հնարավորություն՝ ծանոթանալու որդեգրման ենթակա երեխաների վերաբերյալ որոշակի անձնական տվյալների: Որդեգրման գործընթացն ուժի մեջ է:

Բաժինը սերտորեն համագործակցել է ՏԻՄ մարմինների, համայնքների խնամակալության և հոգաբարձության հանձնաժողովների հետ, ցուցաբերել անհրաժեշտ

մեթոդական խորհրդատվություն՝ կանոնադրական գործառույթների շրջանակում, աջակցել է ընտանեկան հակասությունների և տարածայնությունների խնդրի լուծմանը՝ հաշվի առնելով երեխայի գերակա շահը, սոցիալապես անապահով ընտանիքներին ցուցաբերել է նյութական և դրամական աջակցություն մարզպետարանի, մարզային և միջազգային հասարակական կազմակերպությունների, անհատ անձանց միջոցով:

Բաժինը սերտորեն համագործակցել է երեխաների իրավունքների պաշտպանության և կանանց հիմնախնդիրներով զբաղվող հասարակական կառույցների («Սոցիալ-հոգեբանական հետազոտությունների և վիճակագրության կենտրոն» ՀԿ, «ՀՕՄ»-ի Եղեգնաձորի մասնաճյուղի, «Կանանց իրավունքների կենտրոնի Եղեգնաձորի մասնաճյուղի», «Երեխաների պաշտպանության ցանց» ՀԿ, «Մանկական զարգացման հիմնադրամ», «Վորլդ Վիժն Հայաստան», «Սեյվ դը չիլդրեն», «Լայթ հաուս», «ԱՄՔՈՐ-ՀԱՅԱՍՏԱՆ» բարեգործական հիմնադրամ) հետ, մասնակցել նրանց կազմակերպած հանդիպումներին, աջակցել մարզում իրականացվող ծրագրերի ներդրմանն ու կլոր սեղանների անցկացմանը: Բաժնի աջակցությամբ «Դիակոնիա» բարեգործական հիմնադրամի կողմից մարզի սոցիալապես անապահով ընտանիքների 53 երեխաներ օգտվել են տաք հագուստի և ձնեռային կոշիկի ծրագրից:

2017թ. ընտանիքի, կանանց և երեխաների իրավունքների պաշտպանության բաժինը մասնակցել է Վայոց ձորի մարզի 11 համայնքների վարչական հսկողության աշխատանքներին, ժամանակին և սահմանված կարգով քաղաքացիներից ստացած 60 դիմումների տվել համապատասխան լուծում:

 Ա.Գրիգորյան

Վայոց ձորի մարզպետարանի աշխատակազմի ԸԿԵԻՊ բաժնի պետ

15/01/2018թ.